



Broj:01/GV-04-11867-1/22

Datum:12.10.2022. godine

Na osnovu člana 2.2, 2.3, 2.12. i 2.14. Izbornog zakona Bosne i Hercegovine („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 51/22 i 38/22), Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini („Službeni glasnik BiH“, broj:67/21, 73/21 i 1/22), člana 1. Odluke Gradskog vijeća o objavljivanju Javnog oglasa za imenovanje redovnog člana Gradske izborne Grada Cazin, broj: 01/GV-04-11867/22 od 28.09.2022.godine, Gradsko vijeće Grada Cazin objavljuje se

JAVNI OGLAS
ZA IMENOVANJE 6 (ŠEST) REDOVNIH ČLANOVA
GRADSKE IZBORNE KOMISIJE GRADA CAZIN

I.

Objavljuje se Javni oglas za imenovanje 6 (šest) redovnih članova i to: predsjednika i pet članova Gradske izborne komisije Grada Cazin (u daljem tekstu: Komisija).

Redovne članove Komisije imenuje Gradsko vijeće Grada Cazin (u daljem tekstu: Vijeće), uz naknadnu saglasnost Centralne izborne komisije BiH, na mandat u trajanju od sedam godina, računajući od dana dobijanja saglasnosti Centralne izborne komisije BiH.

Kandidati za mjesto redovnog člana Komisije moraju ispunjavati opće uvjete:

1. Član Komisije može biti osoba sa pravom glasa,
2. Član Komisije može biti osoba sa odgovarajućom stručnošću i iskustvom u provođenju izbora.

II.

(1) Pored općih uvjeta propisanih članom 2.2. Izbornog zakona Bosne i Hercegovine, kandidati na mjesto člana Komisije moraju ispunjavati sljedeće uvjete:

- a) da imaju prebivalište u Gradu Cazin,
- b) da imaju završen fakultet VII/1 stepen stručne spreme ili završen fakultet Bolonjskog sistema studiranja sa najmanje 180 ETCS
- c) da posjeduju iskustvo u provođenju izbora.

(2) Pod iskustvom o provođenju izbora podrazumijeva se:

- a) članstvo u izbornoj komisiji,
- b) članstvo u biračkom odboru na izborima obuhvaćenim Izbornim zakonom BiH.

III

- (1) Sastav Gradske izborne komisije treba biti multietničan, tako da održava zastupljenost konstitutivnih naroda, uključujući i ostale, u izbornoj jedinici za koju se organ nadležan za provođenje izbora osniva, vodeći računa o posljednjem popisu stanovništva na državnom nivou
- (2) Sastav Komisije će, u pravilu, održavati ravnopravnu zastupljenost spolova u skladu sa Zakonom o ravnopravnosti polova u Bosni i Hercegovini.

IV

Član Komisije, u smislu odredaba člana 2.12, stav (4) Izbornog zakona BiH, može biti: predsjednik ili sudija redovnog suda, sekretar općinskog vijeća, odnosno skupštine općine i gradskog vijeća, lica profesionalno zaposlena u općinskim organima uprave i druga lica, ako ispunjavaju uslove određene članom 2.2. Izbornog zakona BiH, a nemaju smetnji iz člana 2.3 Izbornog zakona BiH.

V

- (1) Za člana Komisije ne može biti imenovano lice (član 2.3 Izbornog zakona BiH):
 - a) koje se ne može kandidirati u smislu odredaba članova 1.6, 1.7 i 1.7 a Izbornog zakona BiH,
 - b) koje je član najvišeg izvršno - političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora),
 - c) koje je nosilac izabranog mandata ili je član izvršnog organa vlasti, osim u slučajevima predviđenim članom 2.12, stav (4) Izbornog zakona BiH,
 - d) koje je kandidat za izbore za bilo koji nivo vlasti,
 - e) kojem je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje četiri godine, računajući od dana pravosnažnosti odluke.
 - f) koje obavlja izvršnu funkciju, kako je utvrđeno odredbom člana 1.8 stav (6) Izbornog zakona BiH, odnosno lice koje je na dužnost imenovalo Vijeće ministara BiH, Vlada Federacije BiH, Vlada Republike Srpske, kantonalna vlada i općinsko vijeće, odnosno skupština općine."
- (2) Za člana Komisije ne može biti imenovan zastupnik, odnosno punomoćnik političkog subjekta, koji učestvuje na izborima, niti lice koje je pravosnažnom sudskom presudom osuđeno na kaznu zatvora u trajanju od šest mjeseci ili duže (član 2.12. stav (7) Izbornog zakona BiH).
- (3) Za člana Komisije ne može biti imenovano lice koje obavlja izvršnu funkciju, kako je utvrđeno odredbom člana 1.8. (6) Izbornog zakona BiH niti lice koje je aktuelni kandidat ili je bio kandidat za bilo koji nivo vlasti na posljednjim općim i/ili posljednjim lokalnim izborima.

VI

Za učešće na Javni oglas kandidati su dužni dostaviti sljedeću dokumentaciju:

1. prijava o učešću na Javni oglas, koja sadrži
 - kraću biografiju sa osnovnim podacima o kandidatu (ime i prezime, ime oca, JMBG, tačna adresa stanovanja, kontakt telefon, kao i podatke o kretanju u službi),
 - listu dostavljenih dokumenata,
 - svojeručni potpis podnosioca prijave
2. dokaz o prebivalištu kandidata (obrazac PBA-3) da nije starije od tri mjeseca od dana izdavanja od strane nadležnog organa,
3. dokaz o stručnoj spremi kandidata, kao i vrsta stručne spreme (ovjerena kopija diplome o stečenoj stručnoj spremi),

4. dokaz o izbornom iskustvu (dokaz mora sadržavati podatke o nazivu izborne komisije i mandatnom periodu, odnosno vrsti i godini izbora i nazivu biračkog mjesta, u kojem je imenovani kandidat bio član biračkog odbora, te podatak da je imenovani kandidat bio angažovan u radu biračkog odbora i obavljao ovu dužnost),
5. svojeručno potpisanu i od strane nadležnog organa ovjerenu izjavu o nacionalnoj pripadnosti koja obavezno sadrži tekst „sa posljednjeg popisa stanovništva u Bosni i Hercegovini“,
6. dokaz o naučnom zvanju i/ili položenom pravosudnom ispitu i/ili o nosiocu pravosudne funkcije i/ili prisustvo obukama u organizaciji Centralne izborne komisije BiH (ukoliko kandidat posjeduje navedeno),
7. svojeručno potpisanu i od strane nadležnog organa ovjerenu izjavu da nije obuhvaćen odredbama člana 2.3. Izbornog zakona BiH (*obrazac izjave se nalazi u prilogu Uputstva o utvrđivanju kvalifikacija, broja, imenovanju i razrješenju i obuci članova izborne komisije osnovne izborne jedinice u Bosni i Hercegovini -prečišćeni tekst, („Službeni glasnik BiH“, broj:1/22)*).

Tražena dokumentacija mora biti dostavljena u originalima ili ovjerenim kopijama

VI

Javni oglas će se objaviti u programu „Radio-televizije“ Cazin, u dnevnim novinama „Oslobođenje“, web stranici Grada Cazin i oglasnoj ploči Grada Cazin.

Rok za podnošenje prijava na Javni oglas za imenovanje redovnih članova Gradske izborne komisije Grada Cazin je osam dana od dana posljednjeg objavljivanja.

Prijave na Javni oglas, sa traženom dokumentacijom, podnose se lično putem prijemne kancelarije Grada Cazin (šalter sala Grada, šalter broj 1) ili putem pošte na adresu:

Grad Cazin – Konkursna komisija za imenovanje članova Gradske izborne komisije Grada Cazin

Ul. Trg prvog predsjednika Predsjedništva Alije Izetbegovića broj 1, 77220 Cazin

sa naznakom:

„Prijava na Javni oglas za imenovanje članova Gradske izborne komisije – ne otvarati“

Proceduru po ovom javnom oglasu provest će Konkursna komisija za imenovanje članova Gradske izborne komisije imenovana Rješenjem Gradskog vijeća Grada Cazin.

Lista pitanja za intervju sa kandidatima bez odgovora na pitanja, objavljena je internet stranici Centralne izborne komisije BiH.

Kandidati koji pristupe intervju, dužni su komisiji dati na uvid važeći identifikacioni dokument.

Nepotpune i neblagovremene prijave neće se uzeti u razmatranje.

Predsjedavajući GV-a:
Hozanović Rifet

Dostaviti:

1. Oglasna tabla Grada,
2. Web stranica Grada,
3. JP „Radio-televizija“ Cazin,
4. Dnevne novine „Oslobođenje“
5. Evidencija i
6. Arhiva